

Inatsisartut aalajangiiffigisassaattut siunnersuut, Namminersorlutik Oqartussat ilalissagaat NemID-mik pisortat digitaliusumik signatur-iannik imaqartumik inunnt aamma inatsisit naapertorlugit immikkoortortani sulisunut Kalaallit Nunaanni atortuulersinneqassasoq Kunngip peqqussutaagut.

Ilinniartitaanermut, Kultureqarnermut, Ilageeqarnermut, Nunanullu Allanut Naalakkersuisumit saqqummiunneqartoq

pillugu

Inatsisinut Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Sofia Geisler, Inuit Ataqtigiit, Siulittaasup tullia
Inatsisartunut ilaasortaq Aleqa Hammond, Nunatta Qitornai
Inatsisartunut ilaasortaq Justus Hansen, Demokraatit
Inatsisartunut ilaasortaq Stine Egede, Inuit Ataqtigiit

Ulloq 12. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisai siunertaalu

NemID-p inatsisitigut tunngavissinneqarnissaa siunnersuummik siunertaavoq. Inunnik imaluunniit suliffeqarfinnik assigiissumik digitaliusumik kinaassusiliisinnaaneq qulakkeerniarlugu NemID atorneqartarpoq. NemID tassaavoq digitaliusumik kinaassusiliinermut iluarsisut Danmarkimi Kalaallit Nunaannilu atorneqartoq. Digitaliusumik allakkerisinnaanermut imminullu digitaliusumik sullissinnaanermut digitaliusumik kinaassusiliisinnaaneq piunasaqaataavoq.

Iluarsiissutit digitaliusut siaruaasimanerujussuisa innuttaasut inatsisitigut illersugaanerisa allangornera aamma nassataarat. Iluarsisutit digitaliusut innuttaasut pisortanik attaveqarneranni annerusumik minnerusumilluunniit pinngitsoorani atorneqartussanngoriartornerini inatsisitigut erseqqissumik tunngavissaqarnissaq

pisariaqarpoq, taamaalilluni innuttaasut iluarsiiisutunik digitaliusunik atuisinnaanngitsut imaluunniit atuinissamut mattunneqartut inatsisitigut inissisimanerat paatsuugassaaqqunagu.

Siunnersuutip siullermeerneqarnera

Ataatsimiititaliap maluginiarpaa, siunnersuummik siullermeerinninnermut atatillugu innuttaasunut iluarsiiisutunik digitaliusunik pinngitsoorani atuisinnaanermik ajornartorsiuteqartunut periarfissat suut atugassiissutigineqarneri pillugit isumakulunnartoqartitsisoqartoq, tamanna ajornartorsiut attaveqarnikkut pissutsinik, oqaatsitigut, innarluuteqarnikkut imaluunniit atortulersuutunik atuisinnaassuseqannginnermik pissuteqarpat.

Tamatuma saniatigut ataatsimiititaliap maluginiarpaa, digitaliusumik kinaassusiliinnermut tunngatillugu danskit iluarsiiisutaannut (NemID) taarsiullugu namminerisamik iluarsiiisummik pilersitsinerup iluaqutissartaanik ajoqutissartaanillu misissueqqullugu ataatsimiititaliap siullermeerinninnermi qinnuigineqartoq.

Ataatsimiititaliap siunnersuummik suliarinninnera

Ataatsimiititaliap siunnersuummik suliarinninnerminut atugassamisut Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq apeqqutitut arlalinnut akissuteqaqqullugu qinnuigaa. Ataatsimiititaliap apeqqutaasa Naalakkersuisullu akissutaasa assilineri isumaliutissiiisummut matumunnga ilanngussaq 1-itut 2-tullu ikkunneqarpat.

Ataatsimiititaliap oqaaseqaatai inassuteqaataalu

Namminerisamik digitaliusumik kinaassusiliisarnermut kalaallisut aaqiisummik ineriartortitsinnermut taarsiullugu NemID-mik atuinermi pitsaaqutit ajoqutillu eqqarsaatigalugit ataatsimiititaliap maluginiarpaa NemID-mik atuinerup nunatsinni siaruaasimasorujussuulereernera taassuma annertuumik pitsaaqutigigaa iluarsiiisutillu taassuma nunani tamalaani digitaliusumik kinaassusiliisarnermut piunasaqaataasunik naammassinninnera.

Ataatsimiititaliap aamma Kalaallit Nunaanni, Savalimmiunitut pinnani inissisimaneq maluginiarpaa, tassalu Kalaallit Nunaat danmarkilugu ataatsimoorussamik inunnik nalunaarsuiffeqarmata, taamaalilluni Kalaallit Nunaata annertunerusumik ajornartorsiutitaqanngitsumik pisortatigoortumik digitaliusumik kinaassusileeriaaseq Danmarkimi atornerqartoq atorsinnaagaa, tamatumalu Kalaallit Nunaat aningaasaqarnikkut iluaqutissarsitikkaa. Ataatsimiititaliap Naalakkersuisut akissuteqaataannik paasinninnera malillugu digitaliusumik kinaassusiliisarnermut Kalaallit Nunaanni namminerisamik ineriartortitsineq, erseqqinnerusumik nassuiaatigineqanngitsunik malunnaatilimmik aningaasartuuteqarnerunermik nassataqassaaq. Namminerisamik Kalaallisuumik

ineriartortitsinermi pitsaaqutininik aningaasartuuteqarnerunermik taassuminnga matussusiisinnasumik Naalakkersuisut tungaannit tikkuaasoqanngilaq.

Ataatsimiititaliap iluarisimaarluarlugu maluginiarpaa Naalakkersuisut ataatsimiititaliap apeqqutaanut akissumminni oqaatigigaat, innuttaasunut assigiinngitsunik pissuteqartumik digitaliusumik iluarsiiissummut atassusersinnaanngitsunut iluarsiiissutinik allanik naammaginartunik, aamma innuttaasut inuuneqarnissaannik mianerinnittunik nassaartoqassasoq.

Innuttaasut kalaallisut oqaasillit naammagittaalliuteqartarfimmut (Digitalimik Sullissinermit Aqutsisoqarfimmut) naammagittaalliuteqarsinnaanissaat, naammagittaalliumminnullu kalaallisut akissutisarsinnaanissaat ataatsimiititaliap toqqissisimanartippaa.


Naggasiutigalugu ataatsimiititaliap oqaatigissallugu tunngavissaqartippaa nunami kommunit allaffiini sulisut NemID-mut ikkunneqarnermut taassuminngalu atuisinnaanermut innuttaasunut ataasiakkaanut, innuttaasup pineqartup pisariaqartitsinera naapertorlugu ikiuussinnaanerat pingaarutilerujussuimmat.

Ataatsimiititaliap isumaqatigiittup siunnersuutip akuersissutigineqarnissaa inassutigaa.

Inatsisinut Ataatsimiititaliap taama oqaaseqaateqarluni siunnersuut aappassaaniigassanngortippaa.



Sofia Geisler
Siulittaasup tullia,
Inuit Ataqtigiit



Anders Olsen
Siulittaasoq,
Siumut



Aleqa Hammond,
Nunatta Qitornai



Justus Hansen,
Demokraatit

Stine Egede,
Inuit Ataqtigiit



Ilinniartitaanermut,
Ilageeqarnermut
Naalakkersuisoq

Kultureqarnermut,
Nunanullu Allanut

Ulloq: 29. oktober 2018

J.nr.: 01.33.09.00002

UKA 2018/207 pillugu Naalakkersuisunut apeqqutit: Inatsisartut aalajangiiffigisassaattut siunnersuut, Namminersorlutik Oqartussat ilalissagaat NemID-mik pisortat digitaliusumik signaturiannik imaqartumik inunnut aamma inatsisit naapertorlugit immikkoortortani sulisunut Kalaallit Nunaanni atortuulersinneqassasoq Kunngip peqqussutaagut.

Immikkoortup ataatsimiititaliamit suliarineqarneranut atatillugu ataatsimiititaliaq ukuningga apeqqutissaqarpoq:

Nunatsinni pisortat allakkanik digitaliusunik arlalinnik atuisut/atuilersaartut isumaqarnarpoq. Sullissivik.gl-imi¹ "Nempost" aammalu "Inuiaqatigiit digitaliusut"-imi² "Allakkat Digitaliusut" taaneqarput.

1. "Nempost"-ip aamma "Allakkat Digitaliusut"-ip assigiinngissutigisinnaasaat nassuiaatigeqqullugit Naalakkersuisut qinnuigineqarput.
2. Aaqqiineq taanna/aaqqiinerit taakku assersuutigalugu e-boksimit suut allaanerussutigineraat nassuiaatigeqqullugu Naalakkersuisut qinnuigineqarput? Assigiinngissutigisinnaasaat suuppat?
3. Allakkanik Digitaliusunik atuneq sunik nassataqassasoq nassuiaatigeqqullugu Naalakkersuisut qinnuigineqarput. Tassunga ilanngullugu pisortat attaveqarnerat qanoq ittoq attaveqariaatsikkut tassuuna ingerlateqqinneqartussatut naatsorsuutigineqarnerasoq.

Assersuutigalugu savalimmiuni toqqarneqarsimasutut aaqqissuutissamik immikkoortumik suliaqarnissamat taarsiullugu danskit aaqqiissutaat atuuttoq sooq toqqarneqarnerasoq immikkoortup siullermeerneqarnerani apeqqutigineqarpoq.

4. NemID-p pioresup atorineqarnerata iluaqutissartai ajoqutissartaalu nassuiaatigeqqullugit Naalakkersuisut qinnuigineqarput.
5. Digitaliusumik atsiornermut tunngatillugu nunatsinni namminerisamik aaqqiinermik suliaqarnissap iluaqutissartai ajoqutissartaalu nassuiaatigeqqullugit Naalakkersuisut qinnuigineqarput .

¹https://www.sullissivik.gl/Emner/NemPost/NemPost?sc_lang=kl-GL&mupid=Sermersoog
²https://www.sullissivik.gl/Emner/NemPost/NemPost?sc_lang=da-DK&mupid=Sermersoog

² "Inuiaqatigiit digitaliusut - Nuna tamakkerlugu digitaliseeriinermut periusissiaq 2018-2021 ", qup. 12

Assersuutigalugu innarluuteqarneq, naqinnernik ilisarinnissinnannginneq, teknikimut paasisimasaqannginneq imaluunniit internetimik/atteqaammik digitaliusumik atugassaqannginneq pissutigalugit innuttaasut ataasiakkaat aaqqiissutissatut siunnersuutigineqartunik atuinissamik ajornakusoortitsissapput.

6. Inuit aalajangersimasut NemID-mik atuisussaannermut ilaatinneqartussaajunnaarsinneqartussaappat?
7. Atuisussaajunnaarsinneqarneq innuttaasunut taakkununga qanoq kinguneqassava? Pisortanit suliffeqarfinnillu attaveqarnermut kiisalu digitaliusumik atsiornernut kinassutsimillu uppernarsaanermut NemID-ip atornerqartussatut pilersaarutaanera eqqarsaatigalugu innuttaasunut taakkununga aaqqiissutissat allat suut neqeroorutiginiarneqarnersut akissummi isummerfigeqqullugu Naalakkersuisut qinnuigineqarput.
8. NemID-mut tunngatillugu innuttaasunut ulluinnarni internetimut attaveqanngitsunut periarfissat qanoq ittut Naalakkersuisut atugassiissutigilersaarpaat?
9. Qarasaasiarsornermi ilitsersuussineq ikiuinerlu eqqarsaatigalugit qanoq periarfissaqartitsisoqassava? Tamatumani aamma kommunit/nunaqarfiit allaffiini qarasaasiarsornermut pikkorissarnerit ikiunnerillu suut periarfissiissutigineqassappat.

NemID-mi Sullissivimmilu NemID-mut³ ilanngunneq danskisuinnaq allassimavoq.

10. NemID-mik inniminniinissaq eqqarsaatigalugu innuttaasut kalaallisuinnaq oqaluttut qanoq periarfissaqarpat?

Tassunga atatillugu NemID pillugu nalinginnaasumik ilisimatitsissut Sullissivimmi kalaallisut pissarsiarineqarsinnaasoq ataatsimiititaliamit maluginiarneqarpoq.

11. Tassunga atatillugu aalajangersimasunik apeqqutissaqarunik innuttaasut kalaallisuinnaq oqaluttut kalaallisut sullinneqarnissamut qanoq periarfissaqarpat.

Inussiarnersumik inuulluaqqusillunga

Anders Olsen

Inatsisinut Ataatsimiititaliap siulittaasua

³ <https://www.nemid.nu/dk-da/>



Inatsisartut
Inatsisinut ataatsimiititaliaq

**Inatsisartut inatsisinut ataatsimiititaliaata apeqqutaanut 29. oktober 2018
UKA2018/207-imut tunngatillugu akissut:**

**Inatsisartut aalajangiiffigisassaattut siunnersuut, Namminersorlutik Oqartussat
ilalissagaat NemID-mik pisortat digitaliusumik signatur-iannik imaqartumik inunnut
aamma inatsisit naapertorlugit immikkoortortani sulisunut Kalaallit Nunaanni
atortuulersinneqassasoq Kunngip peqqussutaagut.**

12-11-2018
Sagsnr. 2018 - 1467
Dok. nr. 9155957

Postboks 1029
3900 Nuuk
Tlf: +299 34 50 00
Email: lklin@nanoq.gl
www.nanoq.gl

Ataatsimiititaliap oqaluuserisassani immikkoortumik matuminnga suliaqarnerminut
atatillugu tamanna pillugu allakkatigut ulloq 29. Oktober 2018 apeqqutiit arlaqartut
saqqummiussimavai, taakkualu matumuuna akissuteqarfigineqassapput.

**1. "Nem post"-ip aamma "Allakkat Digitaliusut"-ip assigiinngissutigisinnaasaat
nassuiaatigeqqullugit Naalakkersuisut qinnuigineqarput.**

Akissut:

Pisortani digitalimik allakkerineq nassuiarneqarpoq inatsimmi Pisortani Digitalimik
Allakkerineq pillugu Inatsisartut inatsisaanni nr. 14, 8. juni 2017-imeersumi.
Tassani aalajangersarneqarpoq Pisortani digitaliusumik allakkerineq tassaasoq taaguut
allakkerinikkut aaqqissuussinermi Naalakkersuisunit toqqarneqarsimasumi, imaqartumik
digitaliusumik attaveqatigiinnermik pisortanit nassiussinermi aamma inuit akornanni
aammalu inatsisit naapertorlugit inuit akornanni. Imaluunniit nammineq piumassutsimik
allakkerinikkut aaqqissuussinermi peqataasuni.

"Allakkat Digitaliusut" tassaavoq digitaliusumik attaveqatigiinneq, pisortaqaarfii
akornanni, inunnut ataasiakkaanut aamma inatsisit naapertorlugit ingerlatsivinnut
nassiussisarneq.

"Nempost" tassaavoq qarasaasiatigut takussutissiissut kiffartuussissut, atuisup
digitaliusunik allagarsiaminik inissimatitsivia. Allagarsianik digitaliusunik
inissimatitsivik danskisut visningsklient-imik taaneqartartoq tassaavoq atuisartup
allagarsiassaanut digitaliusunut nassiussuiffik, atuisullu allagarsiaminik
alakkarterivigisinnaasaa.

**2. Aaqqiineq taanna/aaqqiinerit taakku assersuutigalugu e-boksimit suut
allaanerussutigineeraat nassuiaatigeqqullugu Naalakkersuisut qinnuigineqarput?
Assigiinngissutigisinnaasaat suuppat?**

Akissut:

Nempost aamma e-Boks tassaapput kiffartuussissutit takuitsissutaasut, danskisut
visningsklient-imik taaneqartut, atuisup allagarsiaminut digitaliusunut inissimatitsivia

alakkarteriffigisinnaallugulu. Norge-mi allagarsianut inissisimatitsiviit danskisut visningsklient-it marluupput aammalu Sverige-mi sisamaallutik.

Allagarsianik digitaliusunik takutitsissutit assigiinngitsut atuisunut atugassiissutaat atortorissaarutimikkut nikingassuteqarput. Takutitsissutit tamarmik pisariaqartunik atortorissaaruteqartarput, tassalu allagaasiviup imassaanik tiguisinnaasuusaramik takutitsisinnaallutillu allakkat imaannik atuisumut quppersakkami namminermit aammalu app-itut oqarasuaammi. Tamatumalu saniatigut digitaliusunik allagarsianik takutitsissutit aamma atuisuminnut atortorissaaruteqartarput allanik Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersumi piumasarineqartunik.

NemID-p atuuffia taamaallaat tassaavoq qularnaassallugu allagaasivimmik piginnittup kisimi allagarsiaminut takutitsissutitalimmut isersinnaanissaa.

3. Allakkanik Digitaliusunik atuineq sunik nassataqassasoq nassuiaatigeqqullugu Naalackersuisut qinnuigineqarput. Tassunga ilanngullugu pisortat attaveqarnerat qanoq ittoq attaveqariaatsikkut tassuuna ingerlateqqinneqartussat naatsorsuutigineqarnerasoq.

Akissut:

Aallaavittut pisortanit attaveqatigiissutit suulluunniit innnut tunngasunik paasissutissanik imaqartut nassiunneqartartussaapput isumannaatsumik innnut kikkunnulluunniit allakkatut tigussaasutut imaluunniit qularnaatsumik digitaliusutut paasiuminaallisakkatullu. Tamannalu isumaqarpoq pisortatut oqartussaasut tamarmik peqataasussaasut digitaliusumik allakkerinermik aqqissuussinermi, digitaliusumik attaveqarnermik atuisinnaajumallutik qularnaatsumik paasiuminaallisakkatullu aqqissuussaani innut tamanut aamma inatsisit naapertorlugit ingerlatsivinnut. Attaveqaataasut ingerlanneqartut tassaasinnaapput Akileraartarnermut Aqutsisoqarfiup aamma innuttaasup akornanni akiligassanik akiliisitsiniartarnermi suliat, aamma akilersuinissamut tunngaviusussat, imaluunniit attaveqarnerit kommunip isumaginnittoqarfiata innuttaasullu akornanni isumaginninnermi tapiissutit taakkunungalut tunngaviusut pillugit.

Pisortani Digitalimik Allakkerineq pillugu Inatsisartut inatsisaanni nr. 14, 8. juni 2017-imeersumi tamanut atuuttussamik aqqissuussineq tamakkiisumik atortuulereerpat 2019-ip ingerlanerani attaveqartoqarsinnaalissaaq isumannaatsumik aammalu paasiuminaallisagaasunik, pisortatut oqartussaasut aamma inuit akornanni, kiisalu inatsisit naapertorlugit ingerlatsiviit akornanni.

Tamannalu tassaavoq piumasaqaataasut ilaat isumannaatsumik innnut tunngasumik paasissutissanik suliaqartarnermi, aalajangersarneqartumi Peqqussummi nr. 1238, ulloq 14. Oktober 2016-imeersumi Kalaallit Nunaannullu atortuulersinneqartumi inatsimmik innnut tunngasumik paasissutissanik suliaqartarneq pillugu.

4. NemID-p pioreersup atorneqarnerata iluaqutissartai ajoqutissartaalu nassuiaatigeqqullugit Naalackersuisut qinnuigineqarput.

Akissut:

Iluaqutissartaasoq pingarneq tassaavoq NemID atuuttooreermat innuttaasunillu 20.000-it missaanniittunit Kalaallit Nunaanni atorneqarluni. Innuttaasut taakkua NemID-

ertik atugaraat digitaliusunik imminnut Sullissivik.gl -imi aningaaserivimmullu netbank atorlugu sullittarnerminni.

Kalaallit Nunaannut ukiumut aningaasartuutit 450.000 kr.-it missaanniipput, soorluli tamanna aalajangiiffigissassatut siunnersuummut aningaasatigut kingunerisassai pillugit allaaserineqartuni nalunaarneqartoq.

Aningaasat atorneqassapput kommunini sulisuusunik ilinniartitsinermut, taakkua NemID-mik innuttaasunut pilersitsisartussaammata, aammalu qularnaarumallugu atorlut innuttaasunut sulisunullu kalaallisut aamma piunissaat.

Pitsaanngequtaasoq tassaavoq NemID teknologi qanganitsertoq atorlugu suliaamat, tamannalu tunngaviuvoq NemID-ip 2021-imi MitID-mik taarserneqarnissaanut.

5. Digitaliusumik atsiornermut tunngatillugu nunatsinni namminerisamik aaqqiinermik suliaqarnissap iluaqutissartai ajoqutissartaalu nassuiaatigeqqullugit Naalakkersuisut qinnuigineqarput

Akissut:

Kalaallit Nunaat aamma Danmark inuit nalunaarsorneqartarnerannik (inuup normua) ataatsimoorussigallartillugit Kalaallit Nunaata aningaasartuutitigut iluaqutissarsiffigissavaa pisortanit digitaliusumik ilisarnaateqarnermik aqqissuussineq Danmark-imit ineriartortinneqarsimasoq.

Nutaamik aqqissuussinissaq MitID (Uanga ID-ra) piumasaqaatit EIDAS-forordningen¹ - imi suliaasut naapertorlugit aqqissuussaavoq. Piumasaqaatit taakkua nunani avannarlerni allani malinneqareerput, pisortat digitaliusumik kinaassutsimut ilisarnaataat naapertorlugit ineriartortinneqarsimapput.

Nunani Avannarlerni Siunnersuisoqatigiit ataanni suliamik ingerlatsisoqarpoq nunat akornanni pisortat digitaliusumik ilisarnaataannik akuersissuteqartarnek pillugu, taamaasillunilu nunani avannarlerni innuttaasut pisortanit digitaliusumik ilisarnaammik nunaminni nammineq suliaasumik nunat avannarliit sinnerini atuisinnaallutik.

Akornutissaq annerpaaq kalaallit namminerisaminnik digitaliusumik ilisarnaatissaminnik ineriartortitsisinnaaneranni tassaavoq aningaasartuutissat. Kalaallit digitaliusumik ilisarnaatissaat minnerpaamik EIDAS-mi peqqussummi aalajangersakkani piumasarineqartutut pitsaassuseqartussaavoq, Kalaallit Nunaat nunat avannarliit sinneri naligalugit suleqataassappat.

Kalaallit nammineq digitaliusumik aqqissuussinerannik pilersitsisoqassanersoq naalakkersuinikkut aalajangigassaavoq. Peqqusutissamut siunnersuutip Kalaallit Nunaata nammineq ineriartortitsinermik aallartitsisinnaaneranut akornusiingilaq, danskit NemID pillugu inatsisaannut oqaaseqaatini nalunaarsimammat inatsisip akornusissanngikkaa digitaliusumik ilisarnaatinik allanik peqarsinnaanera.

¹ [EUROPA-PARLAMENTETS OG RÅDETS FORORDNING \(EU\) Nr. 910/2014 ulloq 23. juli 2014 elektroniskiusumik kinaassutsimik upernarsaasarneq aamma tatigeqatigiiffiusumik kiffartuussineq elektroniskiusunik aningaasanik nuussisarnermi EU-mi niuerfiusup iluani, aamma direktiv-ip 1999/93/EF-ip atorunnaarsinneqarnerat pillugit.](#)

6. Inuit aalajangersimasut NemID-mik atuisinnaanerannik isumamineersumik ilaatinneqartussaajunnaarsinneqarsinnaappat?

Akissut:

Inunnik immikkoortunik aalajangersimasunik NemID-mik atuisinnaanermik peqataasussaannngitsutut isumamineertumik aalajangiisoqanngilaq. Tunngaviumik aalajangiiffigisassatut siunnersuut naapertorlugu, nammineq piumassutsimik aalajangigassaavoq inuk NemID-mik atuiumanersoq. Pinngitsoorani pisussaaffeqalernissaq aatsaat pissaaq Inatsisartut inatsisaatigut pinngitsoorani digitaliusumik aaqqissuussineq atortussanngortinneqarpat. NemID -ip digitaliusumik aaqqissuussineq aqutugalugu qularnaassavaa inuup pineqartup eqqortup attaveqarfigineqarnissaa, tassani NemID-mut ilisarnaat inuup namminerluinnaq pigisarimmagu, pineqartorlu taamaasilluni qularnaatsumik digitaliusumik kinaassutsikkut ilisarnaaserlugu.

Ilimanarluinnarpoq inoqassasoq NemID-mik nammineq pigisassaminik sanaanneqarsinnaanngitsunik, namminneq inuttut avatiminnik atuisinnaassutsimikkut amigaateqarnermik pissuteqartumik. Siunnersuummi aalajangiunneqarpoq taamatut itigartitsisoqarsinnaanera pisortat aalajangigassarigaat, taannalu danskit digitaliusumik aqutsisoqarfiannut naammagittaalliutigineqarsinnaasoq.

Pisortani Digitalimik Allakkerineq pillugu Inatsisartut inatsisaanni nr. 14, 8. juni 2017-imeersumi §§-ini 5-imiit 10-mut aalajangersarneqarput atuisussaannnginnissamut malittarisassat. Tassani aallaavusoq unaavoq innuttaasut aalajangersakkat taakkua naapertorlugit allakkerinermik aaqqissuussinermik atuinnginnissamik akuerineqarsinnaasut, tamatumunnga pissutissaviumik peqartillugu, inuttaasoq allakkanik aaqqissuussinikkut allagarsinngitsoortarnissaanik kinguneqartussamik. § 10 naapertorlugu Naalakkersuisut malittarisassiortussaapput inunnik aamma inatsisit naapertorlugit ingerlatsivinniit inunnik pisussaajunnaarsitsisussamik pinngitsoorani allakkanik aaqqissuussinermi pineqartumi peqataanissamut. Naatsorsuutaavorlu tassani pisussaajunnaarsitsisinnaanermut atugassarititaasut aalajangersarneqarumaartut. Aalajangersagaajumaartullu ilagissajunnarsivaat innuttaasut NemID-mik sanaanneqarsinnaanngitsut pisussaataannginnissaat.

NemID taamaallaat qularnaarisussaavoq digitaliusumik attaveqarnerup susassaqqanngitsunit ilisimaneqalinnginnissaanik, aammalu pisortatut oqartussaasut qularutigisinnaassanngikkaat nalunaarsuutiit imaluunniit nammineerluni imminut sullinnermit pisoq pineqartumit digitaliusumik ilisarnaammit piginnittumit.

7. Atuisussaajunnaarsinneqarneq innuttaasunut taakkununnga qanoq kinguneqassava? Pisortanit suliffeqarfinnillu attaveqarnermut kiisalu digitaliusumik atsiornernut kinaassutsimillu uppernarsaanermut NemID-ip atorneqartussatut pilersaarutaanera eqqarsaatigalugu innuttaasunut taakkununnga aaqqiissutissat allat suut neqeroorutiginiarneqarnersut akissummi isummerfigeqqullugu Naalakkersuisut qinnuigineqarput.

Akissut:

Innuttaasunut NemID-mik sanaanneqanngitsunut kingunerisassaa tassaavoq digitaliusumik attaveqatigiinnermik pisortanut tunngatillugu atuisinnaannginneq.

Pisortani Digitalimik Allakkerineq pillugu Inatsisartut inatsisaanni nr. 14, 8. juni 2017-imeersumi suliarineqarpoq qularnaarneqassasoq digitaliusumik aqqissuussinerup sapinngisamik innuttaasumut qaninnerpaamik ingerlanneqarnissaa.

Takuneqarsinnaavoq Inatsisilerineq pillugu ataatsimiititaliap isumaliutissiisummi eqikkaanerani Inatsisartut inatsisissaannut oqaaseqaatini, inuit assigiinngitsunik pissuteqartumik digitaliusumik aqqissuussinerumut ilanngunneqarsinnaanngitsut naammaginatumik aqqissuussissunneqassasut periarfissamik allamik. (inatsisilerinerumut ataatsimiititaliap erseqqissaanera).

Naalakkersuisut sulissutigaa qularnaarniarlugu aqqissuussineq aamma innuttaasut namminerisaminnik inuuneqarnerannik illersuisumik pissuseqartoq. Innuttaasunummi NemID-mik sanaanneqarsinnaanngitsut amerlanerusut naatsorsuutigineqarpoq arlaatigut kommuninit isumagineqartuusartut imaluunniit nakkutigineqartuusartut, taamaattumillu suliami tassani kommunit ilaatinneqassapput.

8. NemID-mut tunngatillugu innuttaasunut ulluinnarni internetimut attaveqanngitsunut periarfissat qanoq ittut Naalakkersuisut atugassiissutigilersaarpaat?

Akissut:

Pisortani Digitalimik Allakkerineq pillugu Inatsisartut inatsisaanni nr. 14, 8. juni 2017-imeersumi aalajangersakkat naapertorlugit atuisussaaitaannginnissamut tunngaviusussatut naatsorsuutigineqarpoq "internet-imut attaveqarsinnaannginneq". Internet tigussaasumik periarfissaanngimmat, attavilertoqarsinnaanngimmat, imaluunniit attavilernissaq aningaasaqarnikkut periarfissaanngimmat.

Piffissami matumani kommunini innuttaasunik sullissivinni aamma nunaqarfinni allaffinni innuttaasunut PC-nik ikkussuisoqarsimavoq. Maanna aamma siunissami digitaliusumik imminut sullinnissamut periarfissaalerumaartut naapertorlugit PC-eqarnermik aqqissuussinerit taakkua ullutsinnut atorsinnaassutsimikkut malinnaatinneqartussaapput.

Pisussaaffimmik innuttaasunut atortussaaitsinnginneq tunngaviusumik isumaqassaaq innuttaasoq nunaqarfimmi allaffimmut imaluunniit innuttaasunik kiffartuussivimmut saaffignittassasoq digitaliusumik allagarsiassaminut anngussinnaajumalluni, nammineq NemID-risaq atorlugu imaluunniit kommunimi sulisunut ikiortilluni.

9. Qarasaasiarsornermi illitersuussineq ikiuinerlu eqqarsaatigalugit qanoq periarfissaqartitsisoqassava? Tamatumani aamma kommunit/nunaqarfiit allaffiini qarasaasiarsornermut pikkorissarnerit ikiuunnerillu suut periarfissiissutigineqassappat.

Akissut:

Kommunini qitiusumik innuttaasunut sullissiviit piginnaaneqalersinneqassapput illitersuisinnaanermik ikiorsiisinaanermillu innuttaasut digitaliusumik allakkanik atuisinnaanissaannut aamma imminnut sullissinnaanissaannut, tamatumani aamma nunaqarfinni allaffinnut ikiorsiisassallutik.

Kommunini sunngiffimmi atuartsisarnerumut isumaliutissaavoq IT-mut pikkorissaanernik pilersitsinissaq. Nalunaarusiaq "Innuttaasut aamma IT 2016" paasissutissiivoq

innuttaasut 97 %-ii ataatsimik arlalinnilluunniit qarasaasiaqartartut, angallattakkanilu qarasaasiaqartartut, iPads/tablets -inilluunniit imaluunniit oqarasuaatsinik smartphones -inik angerlarsimaffiminni peqartartut.

10. NemID-mik inniminniinissaq eqqarsaatigalugu innuttaasut kalaallisuinnaq oqaluttut qanoq periarfissaqarpat?

Akissut:

Inummut biilernermet allagartaqartumut imaluunniit pas-eqartumut tamanna pisinnaavoq una aqputigalugu www.nemid.nu.

Inuit biilernermet allagartaqanngitsut imaluunniit pas-eqanngitsut kommunimi innuttaasunut sullissivimmut imaluunniit nunaqarfimmi allaffimmut saaffiginnissapput. Taakkunani sulisuusut pisariaqartumik ilitsersuisinnaassapput imaluunniit aalajangiillutik itigartitsinissamik NemID-mut ilisarnaatitaarnissamut qinnuteqaammut. Oqaatsinut politikki pillugu Inatsisartut inatsisaanni nr. 7, 19. maj 2010-meersumi § 3, imm. 1 naapertorlugu kalaallit oqaasii Kalaallit Nunaanni pisortatigoortumik oqaasiupput. Pissutsit taamaannerat tunngavilersuutaavoq aningaasartuutissanut apeqqummi 4-mi pineqartunut.

11. Tassunga atatillugu aalajangersimasunik apeqqutissaqarunik innuttaasut kalaallisuinnaq oqaluttut kalaallisut sullinneqarnissamut qanoq periarfissaqarpat.

Akissut:

Innuttaasunik kiffartuussisarnermi sulisuusut NemID-mik sanasarnermut tunngatillugu ilinniartinneqarsimasut innuttaasunut tamanut NemID pillugu kiffartuussisinnaapput.

Naatsorsuutigisariaqarpoq ikiorsiisarneq aamma kiffartuussisarneq toqqaannartoq Nets DanID A/S-imiit, NemID-mik pilersitsisartutut taamaallaat danskit oqaasii atorlugit ingerlanneqartassasoq.

Naalackersuisut sulissutiginiarpaat kalaallit oqaasiisa NemID-mik atuinermi ilaalernissaat.

Danskit aqutsisoqarfiat - digitaliseringsstyrelse – naammagittaalliuteqartarfittut akuersisimavoq naammagittaalliutit kalaallisut suliaasut tigusarumallugit, taakkualu kalaallisut akineqartarumaartut.

Inussiarnersumik inuulluaqqusilluta
Med venlig hilsen


Ané Lone Bagger